

可

園

詩

存

可園詩存卷九

江甯陳作霖伯雨

京江草下

起同治癸亥四月迄甲子六月

歸家作

時移家江都東鄉十四圩

順風剛趁一帆西冒雨旋沾兩層泥行盡程途三十里到家
未唱午時雞

新居二首

淮北江南幾度遷築堂誰送判官錢開窓東向食迎月汲水
南來喜近泉伏啣留雞供膳便比鄰養犬傍門眠更欣剝啄
來佳客攜得鱖魚一味鮮

別來三月不多時悵怨音書兩地稀行篋妹搜新得句緇塵
妻澣舊裁衣行蹤縱未仙源隱遠道何愁羽檄飛從此往還

一日便無須辛苦寄當歸

寄酬詹小亭五首

交遊徧天下最難得知已知已苟相遭歡言接杖履造化何
弄人偏使分彼此行者老道途居者困鄉里一時不再逢鬱
鬱情難已日邊南雲飛天末北風起長跪寫素書藉以達之
子

之子淮南彥通書爲大儒遭亂強自貶窮鄉來課徒破屋木
半朽荒庭草自蕪萎萎束脩薄相催如索租餬口尙不足況
乃贍妻孥文章空滿腹吾道窮矣夫誰與同病者因君悲故
吾

故吾非今吾舌耕爲生計自與之子交叨作忘年契談醫理
精通論詩律深細得意各無言傷時其流涕憔悴寂寞中得

君聊自慰笑談如一家歡聚方半歲何期變風雲匆匆遽判袂

判袂去何方鎮江丹徒縣第一好江山十萬橫磨劍檄草頗自豪棧豆不敢戀囊內攜琴書腰間插弓箭細弱一書生居然歷營弁武將知重文較勝鄉中原春日偶歸來與君再相見

相見不須與索居又數月首夏移家來得君詩一札札尾細字書自言傷離別不知幾何時同心始再結展誦未及竟聲情悽欲絕轉語聊報君人與麋鹿別盟約倘勿渝何愁隔秦越

別意四首

別時牽郎衣問郎何時返怕儂盼望深故說歸期遠

送歡不忍別直到長江頭長江風浪大儂心愁不愁
郎寄紅豆來阿儂不知貴書中勸我嘗道是相思味
獨向空閨宿沈沈睡易酣夢中不識路那得到江南
感懷

只此一江隔音書尙滯留家貧身作客妻病母添愁心事誰
相問行蹤不自由欲歸歸未得翻妒水東流

秋日行經沙頭圩

路熟何須問登坡又下坡碧翻千頃稻紅落半池荷骨月苦
相憶程途不覺多行吟非怨役勞者自爲歌

江上歌

江南與江北只此一水隔常有風波大似山阻住行人行不
得我欲將江化平地來往行人豈不易行人謂我聲勿揚至

地風波尤難防吁嗟乎平地風波實難防

鎮江軍營中秋

京峴山頭雲氣闌朦朧月過女牆來一軍整肅宵傳柝萬帳
歡呼夜舉杯鐵甕四圍明堞櫓金焦兩點辨樓臺無端長笛
一聲起惹得征人首盡回

瓶中桂花

攀得黃金桂供之白玉瓶根常灌靈液香不隔疏櫺爾有日
能守吾惟德與馨一枝莫輕視曾種列仙庭

從軍行示浦雲

江南八月天雨霜牧馬滿山秋草黃城頭畫角止復作殺氣
蔽日無晶光顧我書生才碌碌胡爲挾策爭馳逐揖客由來
汲黯尊憂時欲效長沙哭竭來從軍一載餘封侯事業竟何

如拔劍酒酣歌勅勒挑燈夜靜讀陰符吁嗟乎男兒伎倆只
如此投筆功名世有幾料君與我有同情大書一紙問周生
秋寒

秋月淨無塵秋霜信已真秋寒誰早覺旅館獨眠人

九日過張菊馨

廷賢

莊小飲二首

江頭聞欲泛歸航底事西風鎮日狂紫蟹初肥村釀熟留君
客裏過重陽

三間茅屋小於舟劇飲歡呼遣客愁故國菊花憔悴盡無人
清詠似嘉州

渡江

偷閒數日且歸休趁得津頭一葉舟天水溟濛分遠浦江山
蒼老畫清秋客心宛轉隨篷腳船尾低昂困浪頭來往數於

牛馬走英雄何暇弔孫劉

贈夏幼威表叔

家鑑

旋別三首

無心忽相遇鄉語聽分明面熟姓難問年深亂未平
滄桑談往事萍梗感浮生賴有一尊酒傳予縷縷情

亂後舊交親天涯散若雲君今能歷指我已怕頻聞
柏檣悲齊女簫聲泣伍員相逢倘見訊爲報久從軍

逢君非易易別我太匆匆何日重聯袂于今總轉蓬
風塵增閱歷道路漸開通珍重此時意雪泥留爪鴻

重陽後五日周鏡涵過訪偕遊焦山明日言別

登高夙有願無奈少朋儔舊雨喜君至名山共我遊
半江日色晚萬壑樹聲秋話到明朝別茫茫烟水愁

哭焦樸丈

可園詩存

卷九

四

別後相思日幾回，忽聞噩耗半疑猜。
十年淮北無家住，一賦江南有客哀。
白社久經良會散，黃壚那得故人來。
亂離未定，杜陵死，詩史從今少替才。

丹陽難民行

將軍下令卡門開，丹陽難民結隊來。
食無米，炊無柴，短褐單衣不掩骸。
淒風苦雨縮項立，長街猶憶昨宵賊。
追急拚死一戰心，惶急從此卡門始得入。
惟盼長官議振卹，長官搖手不肯收。
揚言經費無處籌，捉船送過江北洲。
難民難民爾最苦，沿江一路何所覩。
抽釐小吏猛如虎，商民絲粟皆征取。
借問捐何爲，答云辦招撫。君不見旗上大書鎮江府。

聞曾節相湘軍江甯大捷誌喜四首

江南秋老草全枯，士馬奔騰塞道途。
宰相上游開幕府，大軍

尅日取名都腹心直欲披安史首尾從知斷越吳

時蘇浙官兵亦捷

敵壘四郊皆掃盡合圍共說石城孤

宗臣一代受

恩榮功業行將反手成郭令王侯皆服役蕭何子弟盡勝兵

風流賭墅東山靜

公善棋墅軍務佳德不廢

月旦衡文瑣院清

公在安慶興書院校

士四節登壇從古少白須蕭散老書生

介弟新除御史丞奇才閭出佐

中興縱橫戈甲圍鈴閣蕭瑟江山弔秣陵鏖戰大功誰得及

築園往事尙須懲頓師城下非長策鼓勇宜將銳氣乘

鍾山依舊翠成屏寥落人烟斷驛亭孤拜空堂寒月白鬼遊

荒塚亂燐青十年元氣還難復片石豐功定可銘我是故鄉

關念慮饒歌高唱萬人聽

可園詩存

卷九

五

聞雁

一聲征雁不堪聞。旅館燈寒靜夜分。
故國兵戈難問信。天涯兄弟感離羣。
稻梁笑我徒謀食。羽翮知他漸入雲。
遙想南樓明月好。紅顏少婦正思君。

聞李中丞淮軍連克蘇常誌喜

疊聽紅旗報東南。復大州賊真如駭。
鹿兵已過奔牛。地名竹節欣連解瓜期。
只一周。公駐節上海僅年餘儒生功不細。
江海總安流。

寒夜獨坐

寒氣忽相逼。方知夜已深。
殘燈一豆小。斜月半庭陰。
舊史從頭校。新詩抱膝吟。
長宵聊自遣。誰復識予心。

不寐

脫巾頭似葆。擁被足如冰。
好夢從新覓。離愁入夜增。
怪禽啼

落月饑鼠瞰殘燈敲枕不成寐茫茫萬感興

擬子夜歌八首

馬上白面郎妾心久相向眾中偶相逢故作矜莊樣
僂腰弱楊柳僂面嬌芙蓉怪歡頻熟視渾如不識僂
羅襟香汗透羞澀出豐肌讓歡親解扣爲脫內重衣
合歡垂寶帳膽怯怕人窺明月何無賴偏來照妾帷
與歡枕手臥衾裯裏翠綾羞情佯欲掩蘭房先息燈
低徊就歡宿宛轉隨歡心怕歡嫌腕冷纏臂褪黃金
冬夜何曾長歡眠無限好恨殺汝南雞苦苦催天曉
歡贈金縷絲望僂思不已僂欲繫歡心織成錦帶子
寄秀生妹

長吟信口本無師鮑妹才華左妹詞不識歲寒風雪夜妝臺

可有憶兄詩

浦雲就幕丹徒假道敝齋夜話有贈二首

風雪滿天涯胡爲君遠來衝寒知體健

君病新愈

度歲笑人同言

假汝山道誰憐記室才相逢且留宿翦燭話徘徊

爲爾安行李憐子亦轉蓬平安一家訊

君自予家中來

清景兩人同

月影侵窗白燈光對劍紅揮鞭明日去辛苦又從戎

除日還家三首

琴書飄泊客天涯莫對春風感歲華且趁殘年半日暇一帆

風色送歸家

剝啄柴門扣未開聞聲母妹盡疑猜昨宵接到平安信猶道

新年始得回

高燒絳燭座添春小點椒盤薦五辛暖得一壺分歲酒筵間

先爲洗風塵

京江懷古

楚尾吳頭重鎮開下游形勢亦雄哉一江南北分天堦六代
風雲感霸才很石纔看試劍去沙洲又見射蛇來英雄事業
今何在鐵甕城頭盡角哀

甲子正月十一日入幕醉歌

男兒不能讀書取公卿便當挾策干軍營新春十日出門去
跨馬仍作京江行布衣芒屨入幕府將軍愛士接以誠傳呼
軟腳開新局健兒左右捧瑤觥平時涓滴不入口到此渴飲
如長鯨當筵笑傲不知醉眼花散大燈花明濃墨磨成待草
檄脫衣磅礴千人驚落筆龍蛇勢飛動紙上颯颯風雨聲書
完宿醒仍未解倒牀鼾睡如雷鳴夢中似聞人傳說前軍奪

得丹陽城鳴呼安得四海盡昇平燕然勒石紀姓名然後幅
巾徒步歸田里頭銜還我老書生

春曉

花氣氤氳撲畫簾日高猶是夢慊慊鳥聲滿院呼難起睡味
泥人如蜜甜

廢圃梅花四首

亭榭荒涼半已空一枝猶是報春風須知自古調羹手多在
荆榛蕪沒中

陽和獨抱有誰憐細雨濛濛二月天縱使春寒頻勒住開時
總占百花先

鐵骨冰心竟體香肯將紅紫鬪芬芳爭春桃杏翻相笑不合
如今時世妝

一自昆明浩劫新幾多松柏斫爲薪幸教留得仙根在終有
風塵賞識人

江樓雨望

春來屢欲出郊行爭奈樓頭不放晴平檻峯巒浮北固隔江
烟雨隱蕪城雲埋梵塔鈴如語潮浸蘆洲筍已生水墨丹青
懸一幅雲林居士畫難成

月夜卽事

久雨忽而晴如人夢初醒心目一豁然遇物皆成景雲淨洗
天容月明寫花影夜永境逾清春深氣猶冷獨酌無與同中
懷自耿耿

金山晚眺

怪哉石一拳獨向中流起客遊登其巔周覽情無已潮來江

水黃日落山氣紫忽見遠帆飛歸心逐揚子

自諸寇蕩平蘇浙恢復金陵有克捷之望矣喜賦三十韻

溯自金陵陷於今過十年鍾山空峭拔江水自潺湲據井蛙

何大趨羶螳競緣四方無樂土萬國盡戎旃每歎遭時亂何

從得晏眠幸逢

天子聖兼賴輔臣賢政本

朝廷肅兵機使相專諸軍皆奮迅羣盜敢披連島市通烏鬼

島夷互市

池花洗白蓮

山東教匪殄滅

莠知苗不秀

皖逆苗浦寂死於亂軍中

海豈石

能填

粵逆石達開就擒於蜀

寇亂平張角

然逆張樂行伏誅

兵權釋李全

降將李世

忠致仕

眾兇同就盡元惡詎能延運轉上元歲塵銷大地烟宰

臣開幕府大將屬囊韉浙水馬能度蘇臺鹿不仙翼頻將虎

剪禮屢受羊牽辛苦二年戰開通半壁天笑他銅馬隊只據

石城堅獸困方無食魚忙莫漏筌前軍揮鐵騎主帥守中權
漕轉蕭何粟樓高楊僕船合圍占月暈築壘擬星聯地踞長
千里營連蔣阜巔謀成掌上矣虜在目中然鼠穴鬪能勝螯
狐拔欲先弼防燕將倒布望偏陽懸地道轟雷震雲梯取月
圓四郊無壁壘六代復山川指日烽烟靖依然故里旋書生
無別事朱鷺紀新編

鄰園看牡丹有感

蜂蝶紛紛莫浪猜鄰家頻爲看花來荒園也把韶華駐老圃
還思舊日栽金谷分題朝染翰沈香燒燭夜傳杯不知敗瓦
頽牆外他日能留幾朵開

丹陽女兒行

丹陽女兒年十六肌白顏紅雲鬢綠亂頭粗服坐道旁隨隊
可園詩存

簽名招撫局兵火摧殘骨月亡哀哀迴憶從前哭自言生小
本良家桃李姿容人盡誇繡閣薰香方獨坐嚴城戰鼓忽驚
擣尹公橋上張公沒天驕躍馬衝關入僞爵巍巍誰最尊黃
袍共指英王叔耶孃遭戮喪沙塵孤苦伶仃賸一身已分溝
中饑餓死無端被選作真人賊官明知從賊真堪恥自古艱
難惟有死多少尊官尙拜降忍辱休嗤一女子從此專房恩
寵新黃金爲屋不愁貧輕盈楊柳隨風舞綽約芙蓉帶露春
繁華如夢何時醒忍死須臾望大軍大軍一旦將城克劫擄
誰知過於賊同時姊妹數十人夜壁重檐藏不得或經奪賣
或掠歸落溷飄茵那容擇爲惜傾城色最嬌將官留得伴無
聊非同高顯誅張媛好似周郎納小喬夫子桑中真喜悅清
人河上任逍遙昨夜元戎忽下令麾下諸營皆敬聽婦人隱

匿法所誅明朝派弁搜營汎議罪先從勦貴嚴問言膽落徐
州鎮差官押送局中來難民撫卹關軍政親戚無人誰領回
茫茫後路眞難定早知如此悔偷生亂離何處徼天幸從頭
訴說尙未終我亦淒涼歎轉蓬如聽文姬新製曲胡笳十八
怨秋風

北固山晚眺

形勝此爲最金焦漫與爭塔留殘日影風捲大江聲白浪危
孤棹青山隱斷城側聞北府將曾此控強兵

五月二十一日自鎮江泛舟至丹陽

麥秀黍油油蕭條萬象秋山空留壘在江轉入河流飄泊將
身誤艱難爲食謀沿途垂柳盡幸免觸離愁

遊子吟

家居豈不樂奈何走天涯無如甘旨缺出門敢遲迴須知父
母心已逐遊子來

月夜登丹陽城

牙旗獵獵響成鼓寥寥鳴長風一以起蕭瑟皆邊聲我偶登
城望竟夕離懷生芒大星疑動天空月自明慚無王粲筆難
賦此時情

代贈二首

蘭房浴罷日斜曛檢點衣箱麝腦熏雅淡妝成看更好白羅
衫子碧紗裙

盤將蛇髻時興樣畫出蛾眉淡遠神一例傾城好顏色看來
只有鏡中人

可園詩存卷九

男詒綬孫祖同校字

可園詩存卷十

江甯陳作霖伯雨

喜聞草

起同治甲子六月迄乙丑二月

喜聞官軍克復江甯

戍樓更鼓尙鏦鏦報捷旗飛半面紅
夢裏驟聞猶未信
畧中傳說已相同
天時剛屆一星轉
元老欣成六月功
西望家山二百里
新秋准擬掉歸篷

七夕寄溫如

一彎眉月最瓏璚
瓜果誰人設小庭
遙想家中諸姊妹
泥卿夜坐看雙星

雜感四首

暫拋骨肉客天涯
江北江南道路賒
一月未通鴻雁信
家人

可園詩存

卷十

一

思我思家

甲第連雲亘路衢舊時門巷記模糊不知十載兵戈後老屋
於今尙在無

年來百事歎無成誤我功名是請纓安得還山溫舊業松風
吹送讀書聲

算到團圓樂最深囊中可奈少黃金出愁離別歸愁窘最費
躊躇是此心

鄉寓中秋

積糴掃盡碧天寒檐溜如珠尙未乾萬里兵背緣雨洗今年
月喜在家看光搖筵上燭花爆香透雲中桂子丹我欲乘風
問真訣幾生修到是團圓

秋懷詩十一首用韓韻

金井雙梧桐枝條何蕤蕤涼風颯然來殘暑忽云已一葉打
幽窗偏入離人耳感念歲月徂夜半披衣起待曉撫庭柯濃
陰渾不似旣榮必有落華年豈足恃柔質非金石人物皆同
軌來則順受之何必紛憂喜

秋霜下庭除草木皆憔悴俯仰無翳障肅清還天地旅雁聲
何哀驚鷹勇漸恣同是羽族徵苦樂頗各異舒斂隨陰陽漫
云人最貴

志逸戒其荒聲淫防其曼顏子瓢可飲孔聖蔬堪飯鬱鬱果
何爲已負平生願冠蓋浩縱橫此駕誰爲勸不如坐讀書卷
軸聊披萬學古苟有獲家修卽廷獻利達會有時莫作窮途
怨

長夏暑氣盛萬類相欺凌當食來餓蟲當寢來饑蠅秋至一

廓清坦然心無憎南山在何許壞塔無觚稜時復吐雲氣
龍或可曾仕途尋捷徑僕病實未能

時過豈復來情虛每多警獨坐形影涼不寐懷思永功業既
無成名心翻悔猛養正守蒙功求明需井纓君子識迂拘小
人志微幸不怨亦不尤妄念一朝屏

三更萬籟寂涼月耀清景浮雲蕩已空眾星爭尙罔眇焉寄
一身飄零若蓬梗結習在詩書榮途懶馳騁戎旃不足戀休
假已得請

太白耿西方月落天尙暗長夜何茫茫商歌寓隱憾殘燈冷
無光饑鼠猶屢瞰宵賊似牛吟古調原自淡寫之於鳴琴音
豈涉汜濫齊桓不可作愁懷遣亦暫泛泛在中流如舟繫無
纜冥想何所得翻自廢校勘多文卽爲富莫漫謀石甌

侵曉日光出團團照西軒萬息皆已動名利各分奔我無世俗心觀書會微言剝啄誰叩門良友忽來前酌酒勸之飲置飯勸之餐相攜入高齋偶坐繙簡篇聖愚去紛紛不啻百與千聲名未埋沒何事代辛酸謂友子姑去我醉今欲眠立志貴在早勉哉此英年

窗外種芭蕉葉大黃且乾綠玉聲何脆片片落琅玕小童戲俯拾揉之成細團心卷不復舒絨之到長安陡然鄉思動古井生波瀾道路猶多梗豪家夜探丸欲歸不得歸廐馬卸轡

羣
日短苦易晚側聽皆秋聲樹多音悽惻天迴容清明猛進莫忘退去僞乃歸誠權貴方負勢將帥各專兵泉石欲歸隱軒冕詎希榮牽絲戲傀儡顛倒誰所令

松柏鬱青蔥顏色能常好盤錯見奇材知之惜不早立節在
後彫歲寒永相保躋躡行中園萬卉皆已槁灼灼鬬芳容桃
李何足道

八月十八日舟行宜陵道中

輕舟蕩漾艣聲催篷底高眠眼懶開知有人家臨水住隔籬
小犬吠船來

贈沈筠生明府

國翰

三首

秋水蒹葭外伊人此溯洄爲尋良友約特向海陵來榻久勞
君設門偏爲我開翩跹一書記慙愧馬卿才

南克論交始天涯聚客星湖山朝泛棹風雨夜談經豈料遷
陵谷依然泛梗萍挑燈聊話舊淒咽不堪聽

辛苦七年別重逢笑語歡不將鄙民待猶作故人看握手情

道駕乘車誓未寒元龍豪氣在禮數望君寬

泰州岳墩

占得一城勝登臨眼界寬樹痕遮日暗風力撼山難

是日大風香

火新祠廟雲雷舊塢墳滿江紅一曲高唱暮天寒

歸途有作

一樣征塵滾滾來歸途畢竟覺心開半肩行李惟書篋兩月
離愁付酒杯尚有風雲豪氣在非關湖海倦遊回還應料理
移家計松菊荒園次第栽

十月二十二日自三汊河至泗源溝

行行朴樹灣心急足難前荒野風聲大長空日影偏屋多知
近市河淺不容船努力前程遠於茲猛著鞭

龍潭道中

不識家山路逢人輒問程廢營濠四合破屋柱孤撐岡嶺多
雄秀關河罷戰爭鄉音久未接入耳最分明

見鍾山

鍾山見我歸如笑迎面起久別忽復逢山靈亦歡喜憶昔小
樓頭相對日徙倚竭來十餘年道路生荆杞老屋怕重論一
片焦土矣惟此好峯巒猶自鬱蒼紫願我如舊識出沒白雲
裏料理雙芒屨訪勝從茲始

孝陵道中

天清無復戰時雲牧馬悲鳴戀舊羣十里孝陵荒草路遺民
猶說向將軍

二十五日返里三首

天子中興聖么麼氣數微此身幸後死今日竟生歸重見山

河秀誰憐門巷非痛餘思舊痛涕淚向風揮

問道倉皇日風塵慘淡閒不羈摩詰寺偷度孟嘗關十二年
飄泊三千里往還何期望故里高唱大刀環

卻入新城郭重尋舊里門鄉鄰幾人在柱礎故基存零落數
椽屋荒涼五畝園

南乾道橋宅已盡毀

祖廬幸堪守耕讀長兒孫

謂

堂尚
老屋

經紅紙廊昔年被斫處

荒衢寂寞日將昏十二年前事怕論此地已無殘賸血至今
應有未招魂門庭歷歷猶能指盜賊紛紛何處存手撫頭顱
成一哭刀瘢誰識舊時痕

經通靈觀尋亡室席氏埋骨處二首

舊觀經過土一堆夕陽滿目盡蒿萊不知遺骨藏何處告我
可園詩存

何妨入夢來

阮囊羞澀不堪開
澆土曾無酒一杯
卿若有靈應見諒
匆匆昨日我方回

途遇簷小亭

交臂已相過
忽聞呼我名
回頭見君面
大笑慰予情
率爾手同握
慨然蓋一傾
無窮離別苦
各自訴分明

十一月十二日貢院對雪

寒宵雪壓接檐明
燭盡三條草未成
我與天公鬪清冷
一般白戰總無聲

梅花誰占一枝春
盡是冰霜百鍊身
莫道嚴寒今徹骨
此閒儘有熱中人

舟阻示同行者

行路難如此。云胡不憚勞。雪攬疏雨響。石擁斷橋高。水淺難
推艤。船多莫下篙。坎坎坷何日。免一笑。訊同袍。

出江口

西風瑟瑟荻蘆愁。又送征帆出石頭。直下長江百廿里。計程
今夜泊瓜洲。

擬古二首

北方有佳人。容華若桃李。欲見苦無因。迢迢隔秋水。修詞託
良媒。遙寄璇閨裏。精專夢可通。鬱結情難已。朝占乾鵲聲。夜
卜燈花蕊。蹇修幾時還。報我同心喜。

羽客勤修煉。安爐神君壇。精液工吐納。黃金恣採探。火青功
候到。九轉合成丹。威力伏龍虎。出入駭鸞鸞。轉盼符籙下。拜
命爲仙官。揮手謝世人。置身青雲端。

惆悵辭四首爲史靜軒作

無端色界幻三千誰把空花悟
夙緣離恨有天無可補多情
是月不常圓纏綿結就心中字
清淨修成火裏蓮讀罷高唐
一篇賦巫山舊夢也神仙

記從碧玉問年華二八盈盈絕代誇
生就纖腰弱楊柳妝成
素面豔梨花情沾一縷愁偏重病帶
三分媚轉加最是見人
佯欲避等閒閃入碧窗紗

本來生小兩無猜調笑曾依玉鏡臺
窗下同將芳草闌袖中
攜出豔詞來同心生怕鴛鴦妒密語
欣逢鳳鳥媒豈料優曇
花一現仙家眷屬返蓬萊

妝樓冷落掩斜暉衣上空沾蘭麝芬
澆土一杯名士酒短碑
三尺女兒墳相思豔曲歌紅豆幻化
情天葬白雲環珮珊珊

歸也未琵琶千古弔明君

落第

浪把黃金擲秋風一上書緣慳千佛選功愧十年疏失意非
關命謀生實誤余

聖朝無倖進好自惜三餘

演雅效涪翁體

元氣罔陶鳥伏卵世途坎壈行跋趨炎蠅集慕腥羶赴勢
蚊飛撲燈火蠚育脂膏翻受累蜂留針刺能防禍勞燕分飛
兩不謀鵲鴉爭樹雙皆墮山雞亂舞自矜夸鸚鵡能言徒矧
娜壁間蝸死尙沾涎井上蟪蛄曾食果苦將蛙判官與私莫
學蠶工纏更裏萬念皆空翁信天一絲不挂蟲真裸瑩出餘
光足照人蠹鑽故紙還如我鳶飛魚躍悟眞詮洋溢道機無

不可

客中除夕述懷五首

歲晚忽不樂離愁積萬端身輕無債累家遠欲歸難

時客秦州去臘

記室生涯賤窮途風雪寒遙憐諸弟妹膝下正承歡

往事從頭憶匆匆一歲中秋風曾戰藝春日亦從戎命總逢

磨蝎泥空記爪鴻何時得如願爆竹萬家同

憂來終夜醒不是守更籌爭食隨雞鶩呼名任馬牛經經常

自守耿耿每多愁顧影驚遲暮虛拋廿八秋

去歲旅京口除宵適返家今年逢此夕作客又天涯南北因

風馬光陰赴壑蛇可堪梅子樹仍放舊時花

硯食年年慣家貧強自支有文送窮鬼無計賣書癡羞澀慙

人笑迂疏只自知香花休獻佛先祭一篇詩

擬自君之出矣八首

自君之出矣日月疾如弦昨宵殘臘盡今日又新年
自君之出矣關山風雪多不知旅館中宵深寒如何
自君之出矣囊橐無餘儲金釵易錢米持以奉舅姑
自君之出矣對鏡日愁思羅巾偷拭淚生怕旁人知
自君之出矣纖管不曾持縱有清吟興新詩將和誰
自君之出矣兩月得書難燈前和淚拆先喜見平安
自君之出矣獨擁錦衾眠情思結成夢夜夜到君前
自君之出矣燈花久不開宵來忽結蕊應兆遠人回

獨漉歌

獨漉獨漉水清泥濁
獨漉獨漉流欲濯之清濁先斟酌
獨漉獨漉莫斟酌
莫酌清者自清濁者自濁

鹿盧歌

美人清晨起臨鏡頭未梳汲井華水轉鹿盧鹿盧鹿盧有繩
猶轉奈何郎心一去不返

客姜堰將歸雜歌六首

陳生陳生年廿九才調粗疏面目醜金章紫綬不挂身十年
流落江湖走囊內空空無一錢欲歸未歸躊躇久一縷柔腸
百折迴夜永寒燈暗窗牖舉頭四顧青天高耿耿精光貫牛
斗

無端涕淚橫闌干思我大母心悲酸老年愛孫勝愛子眼前
博得含飴歡秋風病沒客館裏六年未返白玉棺耶孃念之
常痛悼荆榛塞路歸葬難時清料理安窀穸白楊蕭颯悲風
寒

憶我少小好讀書父母愛憐如掌珠膝前跳擲任嬉戲一時
不見卽相呼邇來見我屢拜別口雖不語心長吁倚門倚閭
日夜望遠遊忘返胡爲乎夜深涼月照破屋枝頭啞啞叫慈
烏

有弟十齡尙嬌癡平日畏兄如畏師讀書那忍過訶責分梨
讓棗常相隨別離數載學幾廢今年督課仗耶慈朝吟夕誦
須自勉阿兄千里頗爾思何當聯牀風雨夕相對如同上學
時

有筆有筆三寸許平生與爾共甘苦奇氣胸中抑塞多寫作
詩歌便高古踏壁搥牀大呼呼洩盡精華天亦忤罰令侏僂
不自聊依舊長吟煎肺肺惹得旁人笑不休贈我頭銜一字
腐

江南山水數建康十年割據空豺狼我家老屋幸無恙破樓
壞壁低圍牆去歲舉家已盡返嗟子何事羈異鄉縱使無錢
徒赤手貧也非病亦何傷歸與歸與勿再計一路春風桃李
香

揚州感事

一種淒涼況蕪城二月天塚荒碑臥道成徹馬耕田小子談
征戰遺民憶管絃近聞馬夾富稍欲復當年

眞州道中

春滿江南路征人也自歸日高花氣透雨足菜苗肥掠水燕
初到巢林鶯亂飛莫言寸草小一樣戀春暉

江口

久與江南別今向江南還未到江南地先見江南山

觀音門尋永濟寺故址

僻徑耐幽尋苔痕屐齒侵碑殘文半裂石怪洞尤深滄海頻
年感風波昨日心居然登覺岸

石壁鐫覺岸二字

合掌誦觀音

可園詩存卷十

男詒紱孫祖同校字

可園詩存卷十一

江甯陳作霖伯雨

息影草上

起同治乙丑三月
迄丁卯十二月

亂後重遊妙相庵園亭歌

江南三月鶯花春結隊閒行踏軟塵多少名園盡蕪沒荆榛
塞路愁殺人舉頭忽見攢雲樹借問此中誰寄住行人道是
妙相庵眼前門徑休教誤亞字闌干曲折通樓臺臨水亭撐
空多情芳草依然綠無主天桃自在紅一步思量一迴顧精
藍花石猶如故十二年前選勝遊依稀認得尋芳處當時意
氣如雷顛裙屐風流美少年金谷傳杯開夜燕沈香分韻寫
春箋隨園獅窟紛相接修禊永和留法帖比屋連同巢樹鶯
一春忙似穿花蝶繁華可奈不能常白馬紅羊轉劫忙萬土

焦綠秦炬火一園歸若魯靈光

庵以翼賊踞爲花園得存

天騎那解清遊

味平臺置酒多豪貴此地真成獨樂園

幾人衙署司花尉

服

有典花

總制林亭贏得未摧殘今日何妨且入官禪榻久無殘衲

住籬門暫派老兵看我生山水聯深契重到斯庵成隔世萬劫銷沈此獨存可知興廢皆天意石頭城郭轉周遭馬矢如山堆積高因果從今皆悟透鐘聲一杵響蒲牢

秦淮雜感六首

三月鶯花太寂寥綠楊城郭雨瀟瀟歌樓舞榭皆零落丁字簾前何處蕭

當年絲竹屢升堂泮水新芹異樣香講舍荒涼休再問紅泥半堵舊宮牆

荒煙蔓草夕陽時弔古情深有所思片石千秋留血影依稀

認得侍中祠

六朝佳麗散如雲
草色芊緜綠上裙
一曲桃花歌扇在
更無人似李香君

臨河老柳禿無枝
誰向中流泛棹遲
破屋數椽敲欲倒
春風不見酒家旗

王謝朱門萬事非
漫將舊巷問烏衣
尋常百姓家都改
愁絕三春燕子飛

擬宮怨二首

歲試後科試前作

寶鏡團圓掩暗塵
幾行紅淚溼羅巾
金釵十二安排定
自恨蛾眉不及人

小印綢繆記最清
長門猶念舊時盟
欲將一紙相如賦
喚轉君王薄倖情

楚南館行

江左繁華天下選，可堪亂後荆榛滿。輝煌金碧是誰家，題額

分明楚南館。觀優門外湧高臺，朱戶沈沈金鎖開。乘興我因

排闥入，等閒誰敢上堂來。繡柱雲楣工位置，蛟螭盤互龍鸞

麗亭高一座，徙文星。

文廟前魁星亭徙置其中

廟食千秋祠，嶽帝迴廊西。

折徑通幽環碧名園許，暢遊花散瑤根天上種。泉跳珠點石

中流。

中有環碧園，水木清淑。

閒房深邃層軒敞，羅帷不捲簾鉤上。南海

沈香寶鼎熏，西洋刻漏鳴鐘響。異鄉安樂故鄉遙，賓至如歸

不用邀。卻將門外秦淮浪，當作江頭湘水潮。同游有客滄桑

閱時事，感懷心慘切。四顧文軒鉅砌規從頭向我低聲說，此

宅原爲大姓居。後來轉作僞王廬，渡江大將來擒虎。舊日荒

臺失釣魚。

地名釣魚臺。

插旗大道驅人去，帳房擁護元戎署。

曾九帥行。

轅駐

青瑣千門改曲陽藏鐘百萬搜郡塢侯門似海望依稀
不識庭階是也非浩劫免焚雖有屋主人抱券竟無歸統軍
奉

詔還鄉里第宅重教官整理水衡豪賈給緡錢將作經營成
客邸一椽一瓦總精良亞字闌干已字牆此中儘有金銀氣
到處爭輸花百綱民力劬勞誰復管帑金費用真無算怨府
徒教屬叔孫血山難免譏姚坦側目相看不敢嗔縱橫冠蓋
驛通賓可憐東漢羊頭爵盡付南蠻馱舌人我聞客言猶未
已連呼否否君休矣峻宇彫牆事縱非名臣元老功誰比當
年悍寇據城闔奪爾貲財役爾身匈奴未滅家何在摩詰遭
囚氣不伸天生曾侯冠南楚左李彭楊忠且武當道英雄臥
老熊同鄉名將皆韋虎介弟勦名似阿童偏師直下擣江東

十年逋寇一朝盡六代名城再造功豁然天地重開朗遺黎
始有更生想招得流亡盡返鄉奪將積聚都充賞盛烈如斯
古罕聞輕裘緩帶數將軍縱教金穴銅山擁難報攻城野戰
勦偶營一宅金陵地並非驕縱憑權勢奪取原殊沁水田敬
恭況屬維桑誼楚材杞梓不勝收噬肯來遊適道周競向與
輪勤頌購何須責備學春秋罷勞土木雖堪惜援手曾經救
饑溺建業居民數萬家來過應念

中興續客兮客兮勿歎傷請看甲第生輝光召伯甘棠如可
擬稱名合作大功坊

夜望有懷

中宵不成寐起步出前楹風翦雨絲斷雲磨月鏡明蜩蟬當
暑化蟋蟀未秋鳴此際難爲思那堪感舊情

善後新樂府四首

勘屋

烈日如火陰霾開委員勘屋策馬來鄰佑互結東家送公局
聯照西家催稽查剖決亦辛苦市井牙僧無此才前有一家
屋獨好賊造官封何草草地主屢索不肯還裝修有價從渠
討一朝盼得官裏來馬前迎訴人多少養員鑿蹙不敢嘖此
中住者湖南人

勸農

給牛種墾荒田勸農官長何清賢查鄉團開花戶勸農胥吏
何勞苦按畝科派不敢辭秋成指日定可期豈料一雨三十
日高田低田水盡溢里保洋洋來田閒催交前日領糧錢

興工

賊來萬屋皆完好賊去空城淨如掃諸神祠宇百官衙次第
興工須及早朝買磚石暮買棟梁當事出入神洋洋程子祠
堂楚南館金塗粉飾何輝煌如此修造豈不可拓地庀材俱
帖妥月前文宗來案臨下學行香無處所

保甲

城中日日編門牌城外盜賊紛然來城南夜夜巡更鼓城北
盜賊行無阻營官營卒爭容留甲長牌長不敢搜攘雞偷狗
誤羅法纍纍繫者窮民願君不見士會在位盜盡潰王烈居
鄉盜皆畏清心寡慾弭盜方此語官紳須敬佩

夏日讀書作四首

長夏曉氣清起步向高齋好風隨我來拂去几席埃幽鳥時
一鳴嘖然散積懷把卷坐長嘯吾心與道偕

俗儒亦讀書，齷齪守章句。我獨無成心，時復得神悟。水流花落情，魚躍鳶飛趣。觀之偶有觸，大笑出門去。借問何所樂，杳不知其故。

末俗交情薄，過眼如浮雲。貴者每忘賤，富者常驕貧。抑志強酬對，意疏貌難親。不如閉戶坐，開編尋古人。

積雨三十日，水衣綠上堦。檐前餘點滴，送酒無客來。寂寞誰與遣，風吹編自開。會心不在遠，醴醢書味佳。向晚明月出，高吟復登臺。

孟蘭盆會行

秋風蕭瑟炎蒸絕，萬里月明真皎潔。寶殿焚香塢上燈，有人邀賞中元節。中元風景堪盤桓，蕭寺誰家不設壇。未向佛前求利市，競從座上看孟蘭。當日如來持法戒，鍊就金身豈不

壞能將四大廣無邊幻作一盂藏世界鉞鐃何處會龍華護
世城開路最賒廚裏乞將香積飯鉢中種出青蓮花雷音師
子當空吼相現眾生無不有南方風俗好占年西域比邱曾
救母初地莊嚴選佛場袈裟五百列成行菩提聖果波羅蜜
合掌齊聲誦法王我聞漢代初修寺梁唐倭佛相承繼施捨
金錢勅使傳玲瓏翦綵深宮賜舉國奔波竟似狂旃檀異樣
發奇香散花誰是逢天女禮懺空教學武皇我
朝道統唐虞洽從來不重沙門法卻喜包容
聖量寬一任眞如修淨業每逢民樂歲豐時梵誦魚山萬眾
嬉大地三千宏

壽域阿羅十八祝

昌期江南況是繁華地修羅劫盡平無事士女宵遊競綺羅

街衢夜市喧菱芰循例年年拜世尊

昇平景象至今存歸來米汁參新諦喜極傾翻老瓦盆

金川門弔古

吁嗟曹國公桓桓將家子靖難雄兵來元戎資任使苦無禦
侮才喪地數千里此罪重邱山不誅亦幸矣奈何守金川大
任又付彼遽令燕子飛直入宮牆裏景隆無足責九江紂袴
耳咄哉建文君用人乃若此

亂後登雨花山放歌

秋風颯颯西北來吹我直上雨花臺十年亂後重遊此蒼茫
四顧心神開鍾山高出羣山上似爲雄城作屏障迤邐東行
不斷青峯巒缺處江流漲任教時事有遷流河山亘古長無
恙回頭只惜失峻嶒何處長干塔九層瓦礫一堆高過屋令

人卻憶劫初興虎踞龍蟠誰據守蠻爭觸鬪互憑陵此處地形最雄勝連營旌旆聲競於今天地已重清猶有老兵資坐鎮欲將舊事問遺黎山根茅屋無殘臘荒烟蔓草刷淒涼木末亭高空夕陽生滅因緣參悟透談經誰爲起雲光

雨花山石歌

雲光講經臺千秋留勝蹟天雨無復花化成五色石白如碎玉綠如珠淺紅火齊深珊瑚紋理細膩體質潔未必其中至寶無牛斗之閒夜夜有紫氣應是此山輝耀亘天衢世人肉眼苦不識安得西域來賈胡我思前年兵未歇連營十里旌旗列夷山填塹鑿城壕此石與山同破裂幾疑故物無復存誰知依舊供怡悅可知桑海雖更陵谷遷坤輿正氣無虧缺只愁俯拾向山腰無端誤雜沈沙鐵袖中珍重攜之歸握瑜

懷瑾無差別手持此石三摩挲石兮石兮爲爾歌時平清供
列几案世亂棄擲隨山坡片石雖輕關係重仇池研獄空嗟
峨

贈姜瓊溪

渭

龍門同御李膺時

李湖師

邂逅論心勝舊知願我下交偏折節

知君遠出爲從師薄游偶入青溪社家世相傳白石詞握手
寒暄無別語一編先索袖中詩

出郊

久被塵埃浼出郊聊息機山根茅屋聚雲外遠帆飛村犬迎
人熟江魚入饌肥何須戀城市未夕卽言歸

望幕府山懷王司徒

山勢崢嶸據上游王公清望渺無儔渡江記與名流共授鉞

可園詩存

卷十一

七

能分天子憂自恃虛聲摧石虎早將佳讖奉金牛蒼蒼竹樹
凝烟碧牘有鳥聲噪暮秋

擣衣曲

長安女兒年十五知音識曲諳歌舞無端嫁得羽林郎交河
萬里征戎虜征戎遠去幾時還一夜秋風又度關開篋寒衣
不忍看頻年積得淚痕斑淚斑層積從新澣臨流撫石情懷
亂欲憑礧杵寫相思聲聲敲得柔腸斷柔腸斷盡竟如何萬
戶千門明月多卻羨鄰家夫壻好朝中退食自鳴珂鳴珂里
接親仁里功臣甲第連雲起彈箏鼓瑟吹笙竽當年亦是從
軍子從軍遠隸漢家營遂得男兒報國情只是深閨多苦思
因風傳出別離聲別離已久勞長望昨日音書來塞上寒衣
雖寄不妨遲大將恩深人挾纊

寄懷周浦雲妹夫三首

人非麋鹿也安得久爲羣奈聽西窗雨偏懷極浦雲春秋經
歲別南北一江分近況知何似含情一問君

阿妹睽離久思親淚定流歸甯曾訂約計日在深秋已屆前
期矣能償夙諾不倚闔有老母目斷大江舟

猶憶相依日江淮總轉蓬心期兩人合蹤跡十年同座上論
文慣軍中說劍雄可堪一揮手涕淚洒秋風

亂後登冶城山

舊時登眺處一一記分明落日紅沈閣遠山青入城池尋歐
冶子墓表卞忠貞陵谷幸無恙淒其何限情

十二月二十八日左肱跌損作此解嘲

平生有傲骨可折不可屈小體亦宜然毋爲心鬱鬱一跌不

自持左肱因強屈外屬僅存皮中柔若無物難化在須臾蛇
傷差髣髴避役新豐翁趺坐伽藍佛醫理愧未知藥裹從人
乞惟願兆三公一身綰章紱

哭永兒二首

汝命薄如紙予懷亂似麻半包留宿藥兩現總曇花

兩舉男不育

恩重原難割愁來只自嗟喚兒聲不已惱殺比鄰家

醫藥逾三月天心不可爭通靈魂入夢到死病無名小斂憑
文祿長明對短檠明知慟無益我輩奈鍾情

戶口齋居二首

獨坐幽齋趣若何左圖右史儘摩挲樹陰障日如遮幕簾影
無風自起波書立課程防性懶詩拘格律患才多晝長如此
渾忘卻應笑人隨墨共磨

日高卓午麗天南，溽暑侵人已不堪。
團扇引風涼亦煖，殘茶回味苦皆甘。
鼠須新試臨唐帖，麈尾閒揮學晉談。
安得素心人過訪，蔣家閨徧徑三三。

邂逅行贈山陰章翰香參軍

聯華

邂逅復邂逅，奇緣隨處有。
迴風漂海萍，聚散洵匪偶。
憶昔客濠梁，與君始聚首。
絃歌樂一堂，道誼兼師友。
轉徙汜湖村，淒然候分手。
契闊七八年，蹤跡隔山阜。
傳聞君宦遊，疑然復疑否。
自慚事無成，歸鄉仍株守。
頭腦太冬烘，假館以餬口。
主人當事賢，謁者多垂綬。
于役君遠來，投刺隨其後。
我生畏達官，見之驚欲走。
君忽執幼儀，肅然拜座右。
中心大皇惑，莫知爲誰某。
瞪目久無言，面貌細分割。
恍然悟是君，一笑開談藪。
先叙道途艱，次述別離久。
執雁禮何謙，歸豚意良厚。
獨惜難久。

留王程催四牡而此一段因鴻泥堪證取爲歌邇近行臨歧
當折柳

消夏詞六首

晨興危坐小樓中四啟軒窗欲引風料得今朝將有雨日初
升處曉霞紅

槐陰當午氣猶清細碎黃花落地輕良友不來人意寂隔牆
風送亂蟬聲

陽羨名壺滌紫砂竹間竈小縷烟斜甘回舌本渾忘苦消受
龍團一餅茶

雲氣滃然欲盪胸開門候已失遙峯雨聲未到雷聲疾天半
蜿蜒看挂龍

疏簾清簾兩相宜水滴銅壺晝漏遲爲怕機心消不盡文楸

一局罷敲棋

迤邐珠簾半捲初夕陽欲下故徐徐莫嫌夏日長如許讓我
多緜幾頁書

酷暑

伏日行將盡炎蒸尙未休輕陰難蔽日酷暑不容秋坐久神
偏倦眠醒汗自流熱中人若此終歲總煩憂

露坐

露坐到三更蕭然夜氣清雷聲催雨起電火透雲明草徑宵
行過瓜棚絡緯鳴新涼生徧體快絕此時情

暮登冶城

高絕冶城頂悠然王謝風我今來遠眺遐想與之同霧截山
腰白雲埋日腳紅倚闌一長嘯天籟下遙空

蒿燈曲

漆燈焰冷光不紅
白楊蕭蕭生悲風
亂星迸出幽宮曙
金魚玉盃藏何處
紙灰團團胡蝶飛
龍華會散蓮漏稀
月黑三更泣幽魄
餘燐相映作寒碧

登清涼山翠微亭

劫火燒不盡
翠微留此亭
四圍空倚傍
一氣接蒼冥
江水遠逾白
雲天曉更青
十年呵護力
醉酒謝山靈

贈沈筠生明府

秋色滿天地
君從何處來
旌麾前導擁
玉帛

上京回冀北
空羣品江南
作吏才幽情
偏好古先訪
鳳皇臺

登新修碑樓

卽明鼓樓上有
南巡戒碑

燒卻長干塔
危樓莫並高
關雄連踞虎
峰峻壓靈鼇
地占江

山勝人憐土木勞

御碑賴防護敢使沒蓬蒿

夜坐

夜氣侵人作峭寒一編在手欲拋難此中滋味嘗宜細折角
留將明日看

瓢兒菜

冬寒萬木枯平原黯無色青青幾稜畦園丁親種得黃金簇
作心緣玉雕爲式雨曾天上傾水或溪中浥根長堪操持葉
淨勤洗拭挂風疑有聲貯雪應無力若非顏子栽定是許由
植江南好風味鉏以供晚食

出北門感賦

不出此門久當年路半謫霧埋山頂重碑臥草閒多破屋園

可園詩存

卷十一

十一

成聚長壕廢作河凋殘民力盡元氣要調和

喜雨歌

一聲霹靂震天東烈日驚退不敢紅黑雲漫漫堆滿空山雨
未來先有風登樓矯首觀蒼穹一綫蜿蜒挂白龍長河倒瀉
快心芻草木蕉萃回春容江田萬頃青濛濛桔槔灌漑農無
功似此儉歲變爲豐天心仁愛豈易逢聞道山東皆賊蹤赤
地無毛千里同

代內送二妹于歸二首

幾番代檢縷金箱貧士家風淑女裝慚愧私房無蓄積未能
添脂嫁衣裳

閨中八載仗提攜酒譜茶經習婦儀此後莫教添客氣歸甯
常似在家時

八月十五夜登貢院明遠樓望月

桂花香透一天秋人在瑤階玉砌遊
淨洗塵心緣愛月欲淩絕頂且登樓
白衣擾擾人如蜺畫角沈沈吏唱騶
斗柄漸低天未曉五雲深處聚奎婁

秋晚

秋晚出柴門信步隨所遇月沒眾星明
草中微辨路何處絡緯聲尋向瓜棚去

丁卯秋暮雜感六首

蕭蕭落木石城秋形勝關河眼底收
萬里邊塵驚戍鼓一條衣帶限江流
干戈草草天方醉身世茫茫我欲愁
莫漫登樓頻望遠浮雲直北是神州

列宿鉤陳拱紫微天狼灼灼有光輝
名王北地招魂葬丞相

中原拜表歸囊橐括財供饋餉風雲變色在旌旂可堪羣盜
猶蠶聚月暈生時屢台圍

赤白探丸起禍胎近聞飄忽出膠萊班班車響羣牛挽滾滾
塵生萬馬來樓櫓無功環堞過金錢有價贖人回藏書孔壁
今重壞笳鼓聲中絲竹哀

聞曲阜被擾

聖教衰微異教崇同文設館變華風陳相棄學因師許魏絳
成功在撫戎養虎我終愁反噬批鱗人孰敢輸忠鬼方倘許
三年克鐵艦戢戢海道通

扶桑日照玉關西沙苑秋高健馬啼未見汾陽服回紇似聞
房琯敗青泥連營茶火谷重整突陣花門面盡勢唱到伊涼
聲已咽滇池何暇問征輦

四方擾擾未休兵稍喜江南罷戰爭淮水渺瀰明月麗鍾山

紫翠夕陽晴輕裘肥馬長安俠戶誦家絃魯國生至竟揚邦
財賦地漸將風景復承平

九日經駐防城尋明故宮小憩半山寺遂出朝陽門觀孝陵
欲往靈谷寺未果繞自西華門入登雞鳴山絕頂而歸得
詩五首

金陵古大都形勝天下甲我

朝設駐防尙存封建法哀哉咸豐初慘值紅羊劫婦孺無子
遺白骨互枕壓近喜天宇清占籍重安插城荒人跡稀草亂
徑途狹狐羣晝驚奔鬼火夜相狎觀此景淒涼淚下交承曉
路轉洪武門大道堪馳控直進卽故宮地闊空梁棟橋水流
潺湲聲如琴筑弄層層臺殿基石破苔侵縫高皇與福藩同
此受朝貢一則起艱難一則耽驕縱仗劍事最奇投壺興難

中祖孫相終始江山成一夢徒令弔古人黍離再三諷

久聞王半山卜築昇州地晚歲慕瞿曇捨宅以爲寺人笑佞
佛愚我謂保身智十年政柄專一朝初服遂元祐諸君子競
言新法弊誠恐推禍始誅戮無可避有託逃於禪庶全君臣
誼此情亦堪憫誰能窺其際人去蹟空留供我小息憩默坐
誦公文千載託深契莫再說爭墩少年狡獪事
出郭日未午豁然心目開前湖填未盡縈漾遶城隈鍾山何
高高蒼翠鬱千堆其陽爲孝陵翁仲猶崔嵬佳哉此園寢本
爲誌公臺相地偶得中函骨不容埋遷之數里外梵剎表如
來松林琵琶街劫過亦成灰我欲往相尋仄徑多蒿萊問路
無樵至東望心悠哉

晚歸興不盡繞道傍曲壕仰視雞鳴山屋宇懸峰峭循途曲

折上不知身漸高憑闌一縱目辨析窮秋毫南望但闌闌萬
聲同一囂後湖當其北荷老葉黃焦臺城留一角藉識齊梁
朝勝境不易得良時莫空拋願去沽斗酒來此持霜螯

可園詩存卷十一

男詒紱孫祖同校字

可園詩存卷十二

江甯陳作霖伯雨

息影草中

起同治戊辰正月迄庚午十二月

戊辰春初感事八首

捷伐頻年急干戈氣尙昏王師原善戰諸將況承

恩談笑容逋寇焦勞累

至尊幸留元老在鎖鑰鎮關門

天上旄頭朗軍中鼓角多元陰凝朔漠黑夜渡黃河回紇驅

蕃馬哥舒走橐駝可堪燕趙地勅勒起邊歌

賊自延綏間渡河至晉因擾畿

輔

山左烽才息連營士馬驕酬庸唐柱國使氣漢嫖姚出柙偏

騰兕鳴牙又卜臬京師日告急

嚴旨促趨朝

督戰承

明詔疲勞詎敢休氣吞河北賊表抗武鄉侯游騎抄深冀中

權扼景州聲威已聯絡畿輔得無憂

李帥自出東入援

隴右勤王將星馳萬里程常防白帽隊遠合綠林兵旗鼓井

陘口風雲沃鹿城赴援功第一不愧李西平

左帥勦回賊境聞警倍道入衛

若木分支近菁茅錫爵崇妖星衝直北零雨賦徂東秉鉞親

賢重分甘士卒同新開麟閣待專爲賞元功

聞廷議以恭邸督師

迤邐居庸北雄關鬱陣雲瀾陵起故將神策領親軍好仗

天威近頻馳露布聞前鋒屯白馬浴鐵自成羣

陳國瑞紀神機營兵

入衛韓公檄橫衝益德矛營連七百里會列十三侯小醜同

摧朽元戎善運籌

勞軍稽舊典

翠輦幸盧溝

古楊柳枝曲

郎如楊柳花
妾如楊柳樹
樹老根不移
花飛無定處

夏日遣興

長夏拋書起中庭
覽物華網蟲欺病
葉癡蜨戀餘花
窗敞客風入牆高
障日斜睡情誰解
破閒飲一甌茶

夜泛秦淮有感

秦淮水色如油碧
畫舫風流盛裙屐
六朝燈影豔長橋
十載泥痕迷舊迹
楊柳毵毵冷白門
城頭月上又黃昏
酒闌燭跋增惆悵
丁字簾前何處存

程烈婦詩

夫生妾生夫死妾死妾已一言許夫矣絕口不復飲勺水長
跪啟阿翁伯氏有子雙青瞳請爲夫後承小宗再拜別諸姒
婦道不盡非得已高堂乞代供甘旨一日二日猶能支三日
四日氣如絲抵死苦勸徒費辭異香氤氳滿室妾今卻粒
已五日三更含笑妾命畢吁嗟烈婦女子耳從容就義尙如
此復言愛身洵可恥烈婦誰光輔妻程胡氏生績溪同治六
年七月初六日乃是烈婦不食殉夫時

題隨園圖二首

有客滬濱來示我圖一幅水分內外湖山築高低屋亂紅點
砌花寒綠森檐竹旣非離門園亦異王官谷審視尙依稀路
接清涼麓知是倉山翁當時遂初服

全占一園勝最數山中樓我曾杖策往直登樓上頭香海博

成雪淨軒梧報秋千房蜂聚密一徑蛇蟠幽披圖重指點惜
哉成土邱回頭望鍾山萬古濃青浮

觀仲秋上丁釋奠禮成恭紀

上丁習舞聲容盛秋日明禮品秩尊庭燎有輝君子至豆籩
之事有司存逢逢伐鼓傳鼙振濟濟襄儀愧駿奔宗廟百官
觀美富宮牆今幸得其門

秋夜

秋容肅淒夜次寥城上更鼓轉麗譙涼月穿雲色皎皎急風
帶雨聲瀟瀟余懷信芳託蘭菊我友不見歌艾蕭獨坐空齋
靜萬慮一枝栖息如鷗鴒

送葉晉卿觀察

實樹

假歸江西省觀

堂成畫錦敞朱扉千里秋風泛棹歸訪舊定過元亮宅趨庭

先著老萊衣十年戎馬宣勞久九月鱸魚入饌肥賈讓治河

方屬望

時督修運堤

鄱湖莫便買漁磯

獨夜

西風吹雨斷草木蕭有聲雲中藏皓月大地暗亦明起循虛廊步夜氣含孤清獨居雖云寂喜無紛擾情節候知己晚悠然念平生

暮春卽事二首

鉤擲戲摹新購帖丹黃親校手鈔詩書生結習渾成慣勤過當年上學時

湘竹編簾翠地長小窗西角牘斜陽手持書卷跼趺坐領取幽蘭一縷香

汪少符

紹曾

朱仲我

孔彰

同遊瞻園

夙慕瞻園名未識瞻園狀無意得茲遊心目皆清曠微風曲沼邊落日平臺上稗竹未成林新荷初出浪亭高撐虛空石疊成奇嶂亂後小安排經營心頗匠中山遺故園規仿庶有當盛衰事之常生晚每悵悵不見

南巡時

翠華森羽仗

圩農歎

習莫習農夫業農業逢荒多匱乏耕莫耕圩中田圩田遇潦卽凶年今春亢旱夏始雨父老歡呼穉子舞平疇漠漠稻秧青淮擬秋成慰辛苦豈知一雨永不休蒼天漏缺無人補蛟龍助虐鼓江湖一綫單隄相抵禦打椿修埂日夜防依然衝破難重堵田廬漂沒在波濤老幼相保依山咀報災匍匐入

城中衙前長跪悲填胷官府未見見小吏大聲恫喝怖殺儂
瞻園栽翠亭下小池雨後盛漲遂通南池用荆公酬王賢良

涪泉詩韻應孫琴西方伯

衣言教

秣陵地居江之干瞻園樓榭雕重築兩池相望數十尺深宵
月浸琉璃槃自從亂後久淤塞微風不復生波瀾前政李公
雨亭方伯簿領暇泉源疏濬平臺完作亭榜之曰栽翠蜀道
遙分故郡山山下小池無半畝浮沫不動遊魚閑鑿渠迤邐
向南去豁然開朗水氣寒今春不雨流漸乾旱魃欲出行蹢
躅夏秋淫霖苦積潦水車日汲力已殫我公旬宣鑒伐檀撫
茲疲瘵愁心顏委蛇退食坐小閣代籌民食真艱難策杖偶
來林泉閒挂龍天矯猶未踰澗流激石速如箭綠溝直瀉鳴
潺潺安得輕風蕩雲去倚石側聽亦足歡陟亭周覽信大觀

萬家生聚胸際蟠

大理卿李小湖師

聯琇

五十壽詩三十六韻

一代文章伯

三朝侍從臣世官承大理先覺重天民安定嚴齋課歐陽戀
頽濱杖家尊國老領觀樂閒身鵬息非耽隱駒生夙軼塵槐
廳綿茂蔭蓬島證前因績考三年最名標第一人

翰詹大詞考第一

臣文吐鳳太史筆書麟

充實錄館總校等官

供奉

金門詔追陪

玉輅巡

扈從東巡

詩書崇

講幄禮樂掌成均

歷官侍講侍讀學士國子監祭酒

校士當三月

癸丑會試同考官

乘輅歷八閩

福建學政

持衡平似水折獄察如神

治朱路獄

吳會移旌

節君山駐畫輪

江蘇學政駐節江陰

采詩知國俗

訂江上詩鈔

配聖肅明禋

疏請宋儒陸秀夫從祀文廟

宮錦榮休假軍儲助俸緡

乞假返里并以所得俸銀助餉林

泉堪嘯傲雷雨想經綸往者官通籍寰中運邁屯恬嬉傷將吏蹇謬冠臣鄰盜藪青齊野邊防碧海津先機慮薪突兩疏達

楓宸

疏論山東捻逆及上海防務

卽至初衣遂猶聞讜議伸地形籌白下

論江南敗勢

寇變述黃巾

記暨陽寇變

杜牧罪言切香山樂府新果然

收建業端賴總勾陳符節謀相合干戈氣已馴勦猷歸著述英俊荷陶甄

主講館山書院

海內李元禮鍾山雷仲倫藝文恢苑囿

斗極煥星辰佛日榮光滿

臘八日爲誕辰

天倫樂事真君陳施有政

冀缺敬如賓令子森珠樹童孫茁秀筠披圖家集慶介壽座生春自愧荒蕪久偏蒙獎借頻餘芳雖澈藝末學詎傳薪弟子憐原憲儒宗仰賀循

中興需輔弼鞠脰頌生申

高渭川死節詩

咸豐三年歲在癸二月十日名城毀賊眾四集家難徙君乃慷慨奮衣起移巨甕八置庭趾徧欲家人勉以死從容部署自投水從之死者君二子家婦盛年女孫穉葬埋有僕爲料理時年七十有一矣義不受辱竟如此是乃江甯真義士嗚呼誰爲江甯真義士熊舉其名高其氏

月蝕詩效玉川子體

同治八年十二月十有六日夜旣闌陳子倚樓耿不寐東望明月升青天眾星離離分布如棋子眞珠一粒凌霄懸不知何物弄狡獪一團黑暈來從碧落閒初看寶鏡壞再望玉鉤彎須臾天宇四圍闇如漆茫茫不辨星河躔想是姮娥竊藥

奔月窟后羿窮追直到白雲端蛾眉欲避無處避一箭射落
紫金丸否則千年狡兔老不死天公大開蒐獵集軍屯斫倒
萬丈桂花樹窮搜窟穴圍廣寒屈平天問誰則答狐疑滿腹
積成團小兒向余言白月行天邊異域來黑月志欲張口吞
喉間格格不得下吐出依舊光鮮妍天上最嚴中外界那許
貪饕攫取素魄作朝餐腐儒向余言明月離雲根地底日光
相激射掩此團欒玉一輪藉以告災異修刑警人君春秋二
百四十年間變不一從無大書月食勞史官仰而驚疑俯而
憂煎天道幽渺非言能宣欲駕青雲上天望奈非插翅肉飛
仙再拜稽首爲月陳冤一年十二月一半缺一半圓不比太
陽日日出何爲翻使罹災愆況復今年六月望已食縱金伐
鼓救護聲喧喧一年兩度遭厄運天心太忍非所論願呼雷

公來闢開混沌門願呼雨師來洗淨爛銀盆風伯電母一齊
至掃去萬里氛霾昏天高聽卑可我奏霎時破甑許復全光
華皎皎燿終古暫時蒙蔽非迤邐此時對影顧盼樂無極舉
杯相賀開華筵從茲百年三萬六千日與此明月相伴以終
焉

馮烈婦詩

真州江百丈清閨氏女字蘿卿夫壻馮君文炳名解四月嫁

六月別十二月還命卽絕湯藥不及侍悔歸甯戚永訣解勤

婦職慰姑懷死志已定哭不哀從容俟時來解知女心莫如

母怪其行止殊朝夕遣嫗守覓死無從屢搔首解死豈有他

情爲婦完其貞父母兄弟幸勿痛姑老不能終事耿耿心難

平解作書藏之篋笥裏久視浮生如脫屣嫗甫行女卽死解

是時同治七年春正月廿一日之晨夫死卅二日烈婦乃歸
眞眞州江百丈清我爲作詩諷世人

七解

莫愁湖櫂歌七首

莫愁湖裏泛輕舟水氣溟濛溼翠樓欲下揚州打雙槳有誰
相送楚江頭

燕雀在東元武北盈盈環繞帝王都一般爭及儂湖好填卻
前湖賸後湖

梁高玳瑁燕雙棲樂府休爭宋與齊山展眉圖湖展鏡美人
只住石城西

一湖淺碧淨於揩十里香風蕩酒懷儂自心如湖水潔搖船
從不到秦淮

勝棋樓下日將晡說是中山舊賜湖儂小不知前代事徐家

歲歲取魚租

亭子高高立翠微清涼山色認依稀一聲清磬出僧寺驚散
鷺鷥何處飛

城上彎彎月子黃蓮花吹得滿船香與歡盪槳湖中去消受
清宵一味涼

庚午秋感天津事三首

天津橋上海風侵夷館欽崙複壁深傳教張陵崇鬼道合丹
鄭注用兒心狠貪到處皆流毒鹿死何堪不擇音溯自澶淵
盟定後天驕跋扈到如今

市人袒臂一相呼雨驟風馳膽氣麤子產毀垣強鄭國陳湯
矯詔斬單于城中白甲方成隊海上銀刀舊列都十萬黃巾
齊授首膚功能繼昔年無

可園詩存

卷十一

八

和戰紛紛議廟堂中朝善策在包荒似聞使節持蘇武翻恐
名臣罷李綱海氣樓臺消島嶼軍聲鼓角動伊涼將軍報道
從天降大計由來待贊襄

閏十月十三日與朱子期

紹興

何善伯

延慶

循秦淮步月

良夜已堪惜招尋況有朋多閒天所與高詠我猶能波浸長
橋月樓明遠市燈峭寒留不得風緊雁如繩

次夕又與子期閒步調善伯

潮枯猶齧岸柳瘦不生烟橋影臥波曲霜華洗月妍塵埃那
許流狂態自相憐遙想何文學殘燈手一編

白下吟八首仿香山秦中吟體

需次官

漢家置爵級始有納貲郎豪門子弟侈非士亦非商金錢援

例入輿馬何輝光需次來省塹僦居向民房日日聽衙鼓進
退如戲場今年典衣履明年空筐箱真除握印綬後顧期茫
茫窮困無所訴出門屢徬徨爲問遊宦兒胡弗歸故鄉

裁弁

長江來萬里樓船高巍巍辛苦百戰後遣撤使遄歸出征日
已久故園事漸非留滯居江左金錢供指揮擄捕尋博戲裘
馬誇輕肥遊手無常業異鄉疇堪依俠以武犯禁事須防其
微

傷士

蓬蒿以多賤珠玉以少珍那堪熙攘輩駁雜復不純江南昔
遭亂絃誦久不聞弟子缺員數講舍坐坐生塵補令舊額足使
車駐雕輪拔擢豈不寬所惜多慳恩功名僥倖得誰能空其

可園詩存

卷十二

九

羣青衿日挑達有符堪護身觀之再三歎此亦讀書人

保甲

郡城四十里保甲詰藏奸每甲各立長介在官民間日久失其意里保一例看遂有無賴子族本非衣冠洋洋自得意謀錢以給餐盤踞通胥役恫喝欺單寒倚勢虐益甚小民情豈安熟視不敢言甲長近於官

怒馬

東南初底定守險尙屯兵營中諸將吏街衢步馬行乃有廝養卒馳驟以爲榮一鞭撻使怒勢如風雨驚衝突及羸老踐踏忘孩嬰欲控已遠去指之無主名我讀洪範傳災異天所生鬻人亦細事馬旣記分明橫行獨無忌未免累升平

屠鴨

屠牛設厲禁耕犁爲力田鴨雛雖微物長養亦自天食利有
賤氓列肆坐市廛日殺千百輩溝血流成泉鹽酪以相浸膏
火以相煎芬馥每四達過客爲垂涎好生造化心物物欲使
全奈何甘暴殄輕如草芥焉蛇有報珠感雀結銜環綠屠刀
能放下豈獨可證禪並育而不害吾道本自然

燈舫

秦淮從東來演漾穿城中每當五六月畫舫青溪通彩棚輕
如霧蘭漿疾於風小燈懸百盞星月光相同前船換遊妓後
船載歌童衣香與人影來往何匆匆風景復前日豪華亦足
雄我心獨私憂驕盈將惡終不見夾水岸樓臺今皆空

神會

鬼神有常尊明禋列於祀賽會陳威儀強使遊都市車輿高

比山鹵簿來如水後部擁戈矛前驅負弩矢鉤肉懸香盤頂
禮同燒指繅綫著赭衣自囚罪至死舉國盡若狂靡靡不知
止遊戲侮神明媒驥乃如此

題詹小亭筍香館圖卽送其會試入都

憶我與君邂逅初寄住同在汜光湖相隔僅一牛鳴地賃春
廡下乃無殊風雨寂寞兩慰藉興酣向我談故居數椽茅屋
竹閒構榜以筍香手自書荆棘塞路歸不得側身南望唯長
吁竭來烽烟倏掃盡泥金姓字標門閭槿籬枳牖小補葺舊
栽花藥皆扶疏作客白門偶憶及山中風物摹成圖叩門過
訪出示我清景果與前言符舊業不忘意最厚林泉終隱毋
乃迂我有一語且持贈杏花夾道迎公車勸君暫抑故鄉念
承明金馬皆吾廬